



## **Universitätsbibliothek Paderborn**

### **Theologia Moralis, Seu Resolutio Casuum Conscientiæ**

Juxta Sacram Scripturam, Canones, Et Sanctos Patres

Continens Tractatus de Sacramentis in genere; de Baptismo, de Confirmatione, Eucharistia, Sacrificio Missæ; Constitutionem Innocentii XII. super celebratione Missarum, variaque alia decreta

**Genet, François**

**Parisiis, 1703**

Q. 12. 13. Est-ne necessarium ad salutem sumere Eucharistiam sub utraque specie, &c.

**urn:nbn:de:hbz:466:1-40834**

## 186 TRACTATUS IV.

*Resp.* Constat ex Divo Thoma cap. præcedenti relato, hoc præceptum non obligare pueros, nisi post perfectam dignitatis hujus Sacramenti notitiam, juxta id quod ait Apostolus : *Probet autem seipsum homo, & sic de Pane illo edat, & de Calice bibat. Si autem, ait Divus Thomas, sunt in aetate apta ad dijudicandum & reverendum Corpus Domini, vel propè aetatem adultam ( scilicet 12. annorum vel II. ) tunc si apparet signa reverentia & discretionis, possunt sumere, alias non.*

*Quæst.* 12. Est-ne ad salutem necessarium sumere Eucharistiam sub utraque specie Panis, & vini, juxta illud Christi Domini : *Nisi manducaveritis Carnem Filii hominis, & bibetis ejus sanguinem, non habebitis vitam in vobis ? Quæ verba innuere videntur hoc Sacramentum sub utraque specie esse sumendum ?*

*Resp.* Oppositum est de fide definitum in Concilio Constantiensi ubi legitur : *Licet in primitiva Ecclesia hujusmodi Sacramentum reciperetur à Fidelibus sub utraque specie: tamen hac consuetudo ad evitandum aliqua pericula & scandala, est rationabiliter introducta, quod à conscientibus sub utraque specie, & à Laicis tantummodo sub specie Panis suscipiatur; cum firmissime credendum sit, & nullatenus dubitandum, integrum Christi Corpus & sanguinem tam sub specie Panis, quam sub specie vini contineri. Quapropter dicere, quod hanc legem & consuetudinem observare sit sacrilegium aut illicitum, censeri debet erroneum; pertinaciter afferentes oppositionem, tanquam Hæretici arcendi, & graviter puniendi sunt. Item præcipimus sub pena excommunicationis quod nullius Presbyter com-*

Conc. Constantiense.  
sess. 13.

*De Sacram. Euchar. Cap. X. 187*  
municet populum sub utraque specie Panis &  
vini.

Et Concilium Tridentinum disertè explicat  
authoritatem Scripturæ à nobis adductæ ; Sed Conc. Trid.  
neque , ait , ex sermone illo apud Joannem 6.  
recte colligitur , utriusque speciei Communio-  
nem à Domino præceptam esse ( utcumque  
juxta varias sanctorum Patrum & Doctorum  
interpretationes intelligatur ) namque qui di-  
xit : NISI MANDUCAVERITIS CARNEM FILII  
HOMINIS , ET BIBERITIS EJUS SANGUINEM , NON  
HABEBITIS VITAM IN VOBIS ;  
*Dixit quoque : Si quis manducaverit ex hoc pane , vivet in æternum ; Et qui dixit : Qui manducat meam carnem , et bibit meum sanguinem , habet vitam æternam ; Dixit etiam : Panis quem ego dabo , caro mea est pro mundi vita . Is denique qui dixit : Qui manducat meam carnem , et bibit meum sanguinem , in me manet , et ego in illo ; Dixit nihilominus : Qui manducat hunc panem , vivet in æternum .*

Ex quibus Concilii verbis clarè satis patet ,  
Dei præcepto satis fieri cum sub sola specie  
Panis recipitur Eucharistia , quia Corpus &  
sanguis Christi Domini nostri recipitur .

*Quæst. 13. Si non teneantur Fideles Eucha-  
ristiam recipere sub utraque specie , quare Ge-  
lasius Papa relatus in Canone damnat eos qui  
hoc Sacramentum recipiunt sub sola specie  
Panis , dum ait : Comperimus autem , quod Can. Comperi-  
quidam sumptâ tantummodo Corporis sacri mus , De Con-  
portione , à Calice sacri cruoris abstineant : secr. dist. 2 ,  
qui procul dubio quoniam nescio quâ supersti-  
tione docentur obstringi , aut integra Sacra-*

menta percipient, aut ab integris arceantur; quia divisio unius ejusdemque mysterii sine grandi sacrilegio non potest provenire?

*Resp.* Ad hujus Canonis intelligentiam sciendum est, quod eo tempore sicut & sancti Leonis, Manichaei afferentes, vinum esse creaturam diaboli, latitabant inter Christianos, & ne proderentur, Communionem simul cum Catholicis sumebant: sed superstitione abstinebant a perceptione sanguinis Christi sub specie viae, ut patet ex sancto Leone qui ait: *Cumque ad tegendam infidelitatem suam Manichaei nostris audeant interesse mysteriis: ita in Sacramentorum Communione se temperant, ut interdum tutius lateant, ore indigno Christi Corpus accipiant, sanguinem vero redemptoris haurire omnino declinent: quod ideo vestram volumus scire sanctitatem, ut vobis hujuscemodi homines ex his manifestentur indiciis, & quorum deprehensa fuerit sacrilega simulatio, notati, & prodicti a sanctorum societate, Sacerdotali autoritate pellantur.*

Quare, ad dignoscendos Manichaeos, decrevit Gelasius Papa, quod in quaestio retulimus.

Tantum igitur abest, ut ex hoc Decreto concludi possit, non licere Eucharistiam sumere sub una tantum specie, quin potius oppositum inferri debet, cum ex hoc Decreto appareat, antea licitum fuisse Fidelibus sub una tantum specie Communionem sumere, unde facilius poterant Manichaei inter Fideles delitescere, & hoc prohibitum deinde fuit ad aliquid tempus, ut Fideles a Manichaeis discerni possent.

*Quæst.* 14. Eucharistia suscepta sub una tantum specie, producit-ne tantumdem gratiae ac si sub utraque sumeretur?

S. Leo. Serm.  
4. de temp.  
Quadrag.